

TALIWALA SA
PELIGROSONG KAHIMTANG




R.B. THIEME, JR.

With permission of R. B. Thieme, Jr., Bible Ministries,
this publication is distributed in the Philippines
by Grace Logos Support Philippines, Inc.,
without charge or obligation.

For more information text or call:
(Gihatag pinaagi sa GLSP nga walay bayad o obligasyon.
Para sa dugang pang kasayuran text o tawag:)
Email: jersal1978@yahoo.com (Visayan)
Smart: 0998-845-2964 (Visayan)
Smart: 0908-236-1434 (Ilonggo)

The electronic version of this book can be read or downloaded
through the Internet address <https://www.gracelsp.ph>.
(Ang elektroniko nga bersiyon niini nga libro mahimong mabasa o
mabalhin ang datos pinaagi sa Internet adres nga
<https://www.gracelsp.ph>.)



Sa Kalibutanong mga Gubat I ug II, ang Blue Star Service Banner sa mapasigarbohong gipasundayag diha sa mga bintana sa mga panimalay niadtong nag-alagad sa armadong kusog sa United States. Ang matag myembro sa pamilya nga anaa sa serbisyo girepresentaran pinaagi sa usa ka bitoon. Ang bandera misilbi isip usa ka wayhunong nga pahinumdom alang niadtong kinsa anaa sa langyawng kanasuran og nakigsangka alang sa pagpatunhay sa atong kagawasan.

TALIWALA SA PELIGROSONG KAHIMTANG

*Gipahinungud alang Niadtong Kinsa
Nangalagad*

R. B. THIEME, JR.



R. B. THIEME, JR., BIBLE MINISTRIES
HOUSTON, TEXAS

PALISIYA SA PINANSIYAL

Wala gayuy bayad alang sa bisan unsang materyal gikan sa R. B. Thieme, Jr., Bible Ministries. Bisang-kinsa nga nagatinguha og pagtulon-an sa Bibliya makaangkon sa among mga publikasyon ug audio ug video nga walay obligasyon. Dios ang nagasangkap sa doktrina sa Bibliya. Tinguha namo sa pagpadayag sa Iyang grasya.

Ang R. B. Thieme, Jr., Bible Ministries usa ka ministeryo sa grasya ug nagalihok sa hingpit ubus sa boluntaryong mga kontribusyong. Kon ang kamapasalamaton alang sa Pulong sa Dios nagapadasig sa usa ka magtotoo sa paghatag, siya adunay pribilihiyo sa pagtabang alang sa pagsangyaw sa doktrina sa Bibliya.

Orihinal nga naimprinta isip *IN HARM'S WAY*

© 2003, 1990 ni R. B. Thieme, Jr. Tanang katungud gitagana.

Unang edisyon napatik niadtong 1990. Ikaduhang edisyon 2003.

Ikaupat nga impresyon 2015.

Kini nga basahon napatik gikan sa mga pakigpulong ug wa-imantala nga mga sinulat ni R. B. Thieme, Jr.

Sa pag-order niini nga libro sa English, kontak:
R. B. Thieme, Jr., Bible Ministries
P.O. Box 460829, Houston, Texas 77056-8829
www.rbthieme.org

Gawas kon gitumbok, ang Kasulatan nga mga kinutlo maoy mga hinubad sa tagsulat gikan sa orihinal Hebreyo ug Griyego. Ang mga reperensiya nga minarkahan og NASB maoy hinubad gikan sa New American Standard Bible. Ang sinanggaang komentaryo nagatin-aw sa kahulugan, nagapadayag sa exegesis, o nagalambigit sa yugto diha sa umaabot nga hilisgutan. Mga pagrekord sa Bibliyanhong mga klase ang maangkon gikan sa R. B. Thieme, Jr., Bible Ministries, Houston, Texas.

Walay bahin niining publikasyon nga ipasanay o ipadala sa bisan unsang porma o sa bisan unsang pamaagi, elektroniko o mekanikal, lakip na ang seroks, rekord, o sa bisan unsang sistema sa pagtipig ug pag-abli sa impormasyon, nga walay nakasulat nga pagtugot gikan sa tigmantala.

Napatik sa Tagbilaran City, Bohol, Philippines, 2021.

Gihubad ngadto sa Binisaya nga pinulongan ni Jerome L. Salutan.

Gitan-aw pagbalik nila Amado D. Carejo, David C. Vicoy ug Rafflyn H. Salutan.

Gipatik nga may pagtugot sa R. B. Thieme, Jr., Bible Ministries.

To those who are
serving —

Just a reminder
that we care,
and keep you in
our prayers!

Attached is a
word of encouragement.

The battle is the
Lord's!

VINCIT OMNIA VERITAS

R. B. Thieme, Jr.

L/COL., USAF-RET.

12 March 2003

Alang niadtong kinsa nag-alagad—

Usa lamang ka pahinumdom nga kami nagtagad, ug nag-apil kaninyo sa among mga pag-ampo!

Gisukip mao ang usa ka pulong sa pagdasig.

Ang gerra iya sa Ginoo!

VINCIT OMNIA VERITAS

R. B. Thieme, Jr.
L/COL., USAF-RET.

12 Marso 2003

Pasiuna

Sa dili pa ikaw magsugod sa imong pagtoon sa Bibliya, kon ikaw usa ka magtotoo diha ni Ginoong Jesu-Kristo, siguroha nga ikaw nakahingalan sa imong mga sala sa pribado ngadto sa Dios nga Amahan.

Kon kita mosugid sa atong [nahibaloan] mga sala, Siya matinumanon ug matarong sa pagpasaylo kanato sa atong [nahibaloan] mga sala ug sa paghinlo kanato gikan sa tanang dipagkamatarong [wanahibaloan, o nahakalimtan nga mga sala]. (1 Juan 1:9)

Ikaw dihadiha mosulud sa fellowship uban sa Dios, napuno sa Balaang Espiritu, ug andam na sa pagkat-on og doktrina sa Bibliya gikan sa Pulong sa Dios.

“Ang Dios espiritu, ug kadtong kinsa nga magsimba Kaniya kinahanglang magsimba diha sa [ang pagpuno sa] espiritu ug [bibliyanhon] kamatuuran.” (Juan 4:24)

Kon ikaw wala gayud sa personal nga mitoo diha ni Ginoong Jesu-Kristo ingon nga imong Manluluwas, ang isyu dili ang paghingalan sa imong mga sala. Ang isyu mao ang pagtoo lamang diha ni Kristo lamang.

“Siya kinsa nagatoo diha sa Anak adunay waykatapusang kinabuhi; apan siya kinsa wala nagatuman [ang mando sa pagtoo diha] sa Anak dili makakita og kinabuhi, apan ang kaligutgut sa Dios naga-pabilin diha kaniya.” (Juan 3:36)

A NG PULONG SA DIOS buhi ug gamhanan, mashait kay sa bisan unsang duhay-sulab nga espada, naglagbas bisan ngadto sa nagbahing nagpabulag sa kalag ug sa espiritu, ug sa mga lutahan ug sa kinauyokan, ug maoy usa ka kritiko sa mga hunahuna ug mga tinguha sa kasingkasing. (Mga Hebreohanon 4:12)

Ang tanang Kasulatan gininhawa-sa-Dios, ug maganansiyahon para sa doktrina, para sa pagbadlong, para sa koreksiyon, para sa instruksiyon diha sa pagkamatarong; nga ang tawo sa Dios mamahimong hamtong, sa hingpit gisangkapan ngadto sa tanan nga maayong mga buhat. (2 Timoteo 3:16–17)

Pagtoon sa pagpakita sa imong-kaugalingon nga aprobado ngadto sa Dios, usa ka trabahador nga kinahanglang dili maulaw, sa hustong nagbahin sa pulong sa kamatuuran. (2 Timoteo 2:15)

TALIWALA SA PELIGROSONG KAHIMTANG

Kini nga mensahe gipahinungod ngadto sa kalakin-an ug kababayen-an nga anaa sa sundalohong serbisyo gikan niini nga kongregasyon kinsa maoy aktibo sa katungdanan. Ang pagkakaran nga krisis sa Tungang Sidlakan nagapahinumdom kanato sa makausa pa nga ang sundalohong pangalagad halangdon ug kabahin sa tibuukpanahon nga Kristohanong pangalagad. Ang Dios miordinar ug mihatag kanato sa dalaygon nga mga prinsipyo sa doktrina nga maykalabutan sa kagawasan pinaagi sa sundalohong kadaugan ug sa pagpalungtad sa kalinaw pinaagi sa sundalon-

hong pagsumpo.

Ang kanasuran mihimo sa usa ka kaguliyang [sila mihimo sa pagkiggubat], ang mga gingharian nangatay-og;

Siya mipataas sa Iyang tingog, ang kalibutan natunaw.

Ang GINOO sa kadaghanan [kasundalohan] uban kanato;

Ang Dios ni Jacob maoy atong salipdanan. Selah. (Salmo 46:6–7)

“Ginoo sa kasundalohan” maoy usa sa mga titulo sa atong Ginoong Jesu-Kristo ug maykalabutan ngadto sa katukuran nga prinsipyo sa kagawasan pinaagi sa sundalohong kadaugan.

Duul, tan-awa ang mga buhat sa
GINOO,
Nga nakalalang og mga kagun-

uban sa kalibutan.
(Salmo 46:8)

Adunay daghang buhat sa Ginoo nga Dios ang misangkap, gikan sa kaluwasan hangtod sa waykaparehas nga espirituhanong kinabuhi sa Kapanahonan sa Simbahan. Apan sa dihang kini nagaingon, “Duul, tan-awa ang mga buhat sa GINOO,” kini nagapasabut ngadto sa kahibulungang paagi ang Dios nakasangkap ug nakapanalipod sa mga magtotoo nga anaa sa sundalohong pangalagad, ilabina niadtong nakiggubat. Nga Siya “nakalalang og mga kagun-uban sa kalibutan” nagabutyag sa kamatuuran nga si Jesu-Kristo nagakontrolar sa kasaysayan ug nagalihok alang sa sinaligang kanasuran nga nag-atubang og usa ka sundalohong krisis.

Siya nagapahunong sa mga gubat hangtod sa tumoy sa kalibutan;

Siya nagabali sa pana ug naga-putol sa bangkaw sa duha;
Siya nagasunog sa mga karuwahe pinaagi sa kalayo.
(Salmo 46:9)

Ang sinaligang nasod usa ka gipanalipdan sa divine nga nasudnong linalang diin ang hamtong sa espirituhanon nga mga magtoo magporma og usa ka mahinungdanong-kahimtang nga sarang sa pagpalahutay sa nasod. Ang doktrina sa Bibliya gipatunhay ug gitudlo, ang pagwali-sa-ebanghelyo nagalambo, ang mga misyonaryo nagapahayag sa Ebanghelyo ngadto sa kalibutan, ug usa ka dalangpanan ang gitagana alang sa mga Hudiyo.

JESU-KRISTO NAGAKONTROLAR SA KASAYSAYAN

Ang daotang kanasuran sa kanunay anaa

ug sa kanunay maanaa sa tibuuk-panahon sa tawhanong kasaysayan. Kining mga nasora nasilag og kalinaw; sila maggamit sa panghasi ug sundalohong puwersa, mga ekspresyon sa ilang kaibog sa gahum, alang sa pagbuntog sa laing kanasuran. Ang daotang kanasuran gihulagway alang kanato sa daklit diha sa Salmo 55.

Siya midagpi sa iyang mga kamut
batok niadtong kinsa madaiton
diha kaniya;

Siya nakalapas sa iyang kasabutan.

Ang iyang sinultihan masdanglog
kay sa mantekilya,

Apan ang iyang kasingkasing
mangil-ad;

Ang iyang mga pulong masmalumo
kay sa lana,

Apan sila gilanit nga mga espada.
(Salmo 55:20–21)

Ang daotang kanasuran dili lamang mag-ataki niadtong kinsa madaiton diha kanila, kundili mangatarungan sa ilang pagsulong pinaagi sa “sinultihan nga masdanglog kay sa mantekilya.” Sulud sa ilang mga kasing-kasing mao ang tinguha sa pagpukan, sa pagpakiggubat. Karong panahona mismo sa Tungang Sidlakan ug sa tibuuk kalibutan, ang katumanan niining duha ka bersikulo nangahitabo sulud sa ‘daghan-kaayong’ hi-gayon sa kasaysayan.

Ang daotang nasod usab gihulagway sa usa ka pag-ampo alang sa proteksiyon diha sa Salmo 140.

Luwasa ako, O GINOO, gikan sa
daotang katawhan,
Panalipdi ako gikan sa mapintas
nga katawhan,
Kinsa maglaraw og daotang mga
butang diha sa *ilang* mga ka-
singkasing;
Sila sa wayhunong mag-aghat og

mga gubat. (Salmo 140:1–2)

Ang Bibliya nagabutyag og tulo ka prinsipyo sa proteksiyon batok sa maong kanasuran: Si Jesu-Kristo nagakontrolar sa kasaysayan; ang mahinungdanong-kahimtang sa hamtong nga mga magtotoo; ug ang usa ka lig-on nga sundalohong katukuran nga andam sa katungdanan alang sa pagpanalipod sa nasudnong kagawasan ug nasudnong mga tinguha.

Unsa man ang atong tubag ngadto sa mga hulga gikan sa usa ka daotang nasod?

Itugyan ang inyong palas-onon diha sa GINOO, ug Siya moabag kaninyo;
Siya dili gayud motugot nga matay-og ang matarong. (Salmo 55:22)

Pagtugyan sa tanan ninyong kahingawa diha Kaniya, tungud kay

Siya nagaatiman kaninyo.

(1 Pedro 5:7)

Kini nga mga saad ug mga mando sa paggamit sa pagtoo-pahulay nga pagbansaybansay gitumong ngadto sa sinaligang nasod sa Dios ug sa tagsatagsa ka mga magtotoo nga nahilambigit diha sa sundalong kalihukan. Diha sa pagtoo-pahulay nga pagbansaybansay ang espirituhanon nga magtotoo nagasagol sa mga saad sa Dios uban sa pagtoo alang sa pagmugna og kalinaw sa kalag taliwala sa kalisdanan. Ang divine nga tubag ngadto sa paggamit sa pagtoo-pahulay nga pagbansaybansay gihatag diha sa sunud nga bersikulo sa Salmo 55.

Apan Ikaw, O Dios, modala kani-
la sa ilalum sa bung-aw sa ka-
gun-uban;

Katawhan sa pagpatay ug pag-
limbong dili makabaton sa ka-

tunga sa ilang panahon sa
pagpakabuhi.
Apan ako mosalig diha Kanimo.
(Salmo 55:23)

Si Jesu-Kristo nagakontrolar sa kasaysayan pinaagi sa gubat ug sundalong kadaugan. Siya nagapukan sa daotang kanasuran kinsa magtinguha sa pagbuntog og laing kanasuran, ug Siya nagapalingkawas sa sinaligang nasod batok sa kalit nga mga pag-ataki sa terorista. Ang hinapos nga linya sa bersikulo nagapahinumdom kanato sa pagbutang sa atong “pagsalig diha Kaniya.”

Ang dilema sa usa ka malinawong nasod gihulagway diha sa duha ka bersikulo sa Salmo 120.

Sa dugay kaayo ang akong kalag
nakasinati sa iyang pinuy-anan
Uban niadtong kinsa nasilag og
kalinaw.

Ako *alang* sa kalinaw, apan kon
ako mosulti,
Sila alang sa gubat. (Salmo
120:6–7)

“Niadtong kinsa nasilag og kalinaw” maoy usa ka matin-awong paghulagway sa pipila ka kalit-nga-kalisdanan nga nahitabo sa nangaging siglo. Kon ikaw sinati sa siglo-ikabaynte nga kasaysayan sa sinaligang nasod USA, ikaw masayod nga kita anaa sa kahimtang sa isolationism—usa ka istado nga nagtinguha og kalinaw—tali sa Kalibutanong Gubat I ug Kalibutanong Gubat II. Kita migawas gikan niana nga kahimtang sa dihang kita giataki niadtong 7 Disyembre 1941 sa Pearl Harbor. Kita alang sa kalinaw, apan ang uban gusto og gubat. Kita naaghat ngadto sa Kalibutanong Gubat II, ug kita madaugon.

Sukad niadtong panahona kita nakig-away sa pipila ka limitadong mga gubat diin kita nakabaton sa hawud nga mga hinagi-

ban, hawud nga kasundalohan ug pagban-say. Apan, uban sa diyutay nga eksepsiyon, kita napildi niining mga gubata tungud kay ang mga politiko magbutang og piho nga mga palisiya diin mihimo niining imposible sa pagdaog. Ang walay-daog nga palisiya sa gubat usa ka dakong trahedya sa usa ka nasod nga nagamahala og kalinaw. Kita kinahanglan modaog sa mga gubat aron sa paglungtad ug makabaton sa kalinaw, tungud kay kini ang bugtong paagi sa buhat nga nailhan sulud sa kalibutan sa yawa.

Daghang yugto nga naghigot sa laktod mahitungud sa gubat ang makita diha sa Karaang Testamento, nga nagatudlo og mga prinsipyo sa katukuran nga haum sa tanang-bahin sa kasaysayan. Ang Bag-ong Testamento usab nagahigot mahitungud sa gubat. Pananglitan, sumala sa Diskurso sa Olivet, si Jesus mipasidaan kanato nga adunay mahitabong mga gubat ug mga hungihong sa mga gubat hangtod sa ika-

duhang pag-abut ni Kristo (Mateo 24:6). Ang atong pagtoon, hinoon, nagapunting diha sa katangdian tali sa sundalohong kinabuhi ug sa Kristohanong paagi sa kinabuhi.

Sa dihang si bisan-kinsa nag-atubang og kalagmitan sa panag-away ug ang tanan nga mga presyur nahilambigit sa sundalohong kinabuhi, siya sa naandan nagapakisayod sa iyang-kaugalingon sa duha ka pangutana: Unsay akong buhaton ubus sa kalisud sa pagpakig-away taliwala sa gubat? Ako ba mamatay sa gerra?

LARAWAN SA USA KA KRISTOHANONG MANGGUGUBAT

Ang pakiggubat nagakinahanglan sa kaisog ug konsentrasyon. Kining duha ka hiyas makaplagaan diha sa Deuteronomio 20:1–4. Ang Deuteronomio 20:1 nagasulti sa kanhi sinaligang nasod, Israel. Ang Hu-

diyong impanteriya maoy labing-inila sa ka-
libutan, apan sila walay kasaligan nga sun-
dalonhong mga pagpauswag; sila walay ka-
balyeriya o mga karuwahe, nga kasusama
sa atong modernong-panahon nga armored
forces.

“Kon kamo mogawas alang sa
pagpakiggubat batok sa inyong
mga kaaway ug makakita sa
mga kabayo ug mga karuwahe
ug katawhan nga daghan pa kay
kaninyo, ayaw kahadlok ngadto
kanila.” (Deuteronomio 20:1a)

Apan unsa man ang sugo gikan sa Dios
kon lupig-sa-gidaghanon? “Ayaw kahadlok
ngadto kanila”! Duha ka konsepto ang
mipatigbabaw: kaisog ug konsentrasyon.
Kining duha ka hiyas sa tinuud matipo
ngadto sa usa ka prinsipyo: kaisog maoy
konsentrasyon; konsentrasyon maoy kai-
sog.

Ang saad nga gihatag diha sa katapusan sa Deuteronomio 20:1 nagahulagway og unsay mahimo sa Dios alang sa usa ka sinaligang nasod, maingon sa Iyang nahimo alang sa sinaligang nasod USA sukad pa sa 1776.

“Kay ang GINOO imong Dios, kinsa mikuha kaninyo gikan sa yuta sa Egypt, uban kaninyo.” (Deuteronomio 20:1*b*)

Ang kalambigitan sa Israel nagahulagway sa pagkamatinumanon ug grasya sa Dios diha sa pagdala sa usa ka grupo sa katawhan kinsa anaa sa kahimtang sa karnalidad—maingon kanato karon, nayagaw, karnal, nalibog nga mga magtotoo—ug nagkuha kanila “gikan sa yuta sa Egypt.” Walay usa kanato nga takus o angayan gayud sa bisan-unsang-butang gikan sa Dios.

“Karon kini mahitabo nga sa dihang kamo naghugup sa pagpakiggubat, ang pari moduul ug mosulti ngadto sa katawhan [kasundalohan]. Ug siya moingon ngadto kanila, ‘Paminaw, O Israel, kamo naghugup sa pagpakiggubat batok sa inyong mga kaaway karon. Ayaw katalaw. Ayaw kahadlok, o kalisang, o kakurog atubangan kanila.’” (Deuteronomio 20:2–3)

Niadtong panahon sa pagsulat, tulo ka kategoriya sa kalakin-an ang misulti ngadto sa kasundalohan sa Israel. Ang kinaunhan mao ang ilang lider, ang amahan sa kinaunhang Hudiyo nga sinaligang nasod, si Moses. Ang ikaduha mao ang pinili nga Lebitikanhong kaparian uban sa usa ka espirituhanong mensahe sa pagdasig sama sa Deuteronomio 20:3. Unya, adunay mga propeta nga magdugang og pagdasig gikan

sa eschatology.

Karong-panahona isip mga magtotoong-pari nga nagpuyo sulud sa Kapanahonan sa Simbahan kita sa pagkatinuud maka-sulti samtang kita magpadulong sa gerra, “Paminaw, O Berachah batalyon, kita nagpaingon sa gerra batok sa atong kaaway. Ayaw kahadlok, ayaw kalisang, ayaw kakurog atubangan kanila.” Kini ang unsay akong pagdahum nga ikasulti sa Kristohanong manggugubat sa Berachah kinsa mahilambigit niini nga away.

Timan-i ang tulo ka mando diha sa bersikulo 3: una, “Ayaw kahadlok” nagaagad diha sa espirituhanong kahimtang sa imong kalag. Ang kaisog usa ka resulta sa imong matinumanong pagpasulud sa Pulong sa Dios. Paghimo sa doktrina sa Bibliya nga nag-unang prayoridad diha sa imong kinabuhi mao ang bugtong tubag ngadto sa daghang nagkalainlaing matang sa sundalohong mga problema, usa niini mao ang kalaay sa higayon nga walay buluhaton

ug ikaw walong libo ka milya ang kalayo sulud sa usa ka disinati nga yuta.

Ikaduha, “Ayaw kalisang” nagaagad diha sa imong konsentrasyon. Ingon sa atong nakita, ang kaisog ug konsentrasyon mag-uban. Kalisang mao ang kalit nga pagtumaw sa emosyon nga makaingon kanimo sa paghikalimot og unsaon sa paglihok kon ikaw anaa sa nagpadayong kombate, kon adunay kaguliyang ug kalibog sa tibuuk palibot nimo diha sa panggubatan. Sa pagkapropesyonal ikaw kinahanglan magkonsentrar diha sa imong trabaho sulud sa usa ka iskuwadra, sulud sa usa ka platon, sulud sa usa ka kompaniya, sulud sa usa ka batalyon, sulud sa usa ka brigada, sulud sa usa ka dibisyon, sulud sa usa ka kwerpo, sulud sa kasundalohan, o sulud sa bisan-unsang katumbas labot sa uban nga pangalagad. Konsentrasyon taliwala sa gubat mao ang pagpokus diha sa hustong paggamit sa imong hinagiban imbis nga pagpukos diha sa imong-kaugalingon tali-

wala sa peligrong kahimtang. Walay du-
da bahin sa kamatuuran nga ikaw anaa
sa peligro, apan ang imong personal nga
kasigurohan sa padulngan maghupay ga-
yud kanimo.

Ang ikatulong mando, “Ayaw kakurog,”
maoy alang sa lawasnong pagkontrolar sa
imong lawas sa dihang ikaw nag-atubang
sa kaaway. Adunay piho nga mga butang
nga kinahanglan nimong makat-onan sa
hingpit sulud sa sundalohong kinabuhi.
Ikaw kinahanglan makat-on og unsaon
sa pagdala sa imong hinagiban. Karong-
panahona kini ang M-16; sa akong pa-
nahon niadto mao ang O3A3 Springfield
ug unya ang M-1. Ikaw magkat-on sa
tukma og unsaon sa paggunit niini ug sa
pagpabilin niini. Ikaw magkat-on og unsaon
sa pagdala sa imong kamut duul diha sa
hustong posisyon sa pagpabuto—ang siko
pataas ug ang tudlo anaa sa gatilyo. Ikaw
magkat-on og unsaon sa pagpunting sa
larawan diha sa target ug pag-igo sa usa ka

lingin. Sa Kalibutanong Gubat II, kita nakat-on unsaon pagpabuto sa usa ka masinggan sa dali nga mga pagbuto, pagbuntog sa target pinaagi sa tulo ka dali nga mga pagbuto, pagbalhin sa swibel paingon sa sunud nga target, ug uban pa. Ang pag-andam sa mga hinagiban sa kanunay nagakinahanglan sa imong konsentrasyon. Walay sapayan unsay mga kalamboan ang teknolohiya nagasangkap bahin sa mga matang sa mga hinagiban nga imong gigamit, ikaw kinahanglan adunay kaisog ug konsentrasyon sa paggamit niadto nga mga hinagiban sa pinatigayon, bisan pa kon nagatubang sa labaw nga gidaghanon.

Sa tanan sa atong kalakin-an ug kababayen-an taliwala sa peligrosong kahimtang, Deuteronomio 20:4 ang inyong yugto. Isip inyong pastor ako wala diha alang sa pagsulti niining mga pulonga, apan kon ako anaa diha isip usa ka tsaplin, kini ang akong isulti kaninyo;

“Kay ang GINOO inyong Dios mao ang bugtong kinsa nagauban kaninyo, sa pagpakig-away alang kaninyo batok sa inyong mga kaaway, sa pagluwas kaninyo.”
(Deuteronomio 20:4)

Ako makasulti diha kaninyo sa kaisog, kahupayan, ug panalangin tungud sa grasya sa Dios. Ang sundalo usa ka halangdong propesyon ug ang pagpatay diha sa gerra dili gayud sayup ni malapason. Ang magtotoo nga napuno sa Balaang Espiritu ug napalig-on pinaagi sa doktrina sa Bibliya sulud sa kalag mopatay gayud sa kaaway sa kalma ug sa pinatigayon.

“Pagmalig-on ug pagmaisogon, ayaw kahadlok o pagkurog diha kanila, kay ang GINOO inyong Dios mao ang bugtong kinsa nagauban kaninyo. Siya dili moka-

wang kaninyo o mobiya kaninyo.”
(Deuteronomio 31:6)

Ang Deuteronomio 31:6 nahasulat alang sa usa ka sitwasyon sa panggubatan niadtong panahon sa pagsugod sa Israel isip usa ka sinaligang nasod. “Malig-on” naga-pasabut sa espirituhanong kalig-on; “maisogon” alang sa aplikasyon sa doktrina nga nagresulta diha sa espirituhanong kalig-on. Kini ang mga mando sa panggubatan gikan sa Dios ngadto sa magtotoo sulud sa kasundalohan.

Sa dihang kamo maglakaw paingon sa kaaway, usa sa labing peligrosong mga posisyon mao ang tagsatagsa, ang iskuwadra, ang platon, o bisan gani ang kompaniya nga nanguna sa usa ka operasyon. Ang nanguna sa kanunay mao ang kinaunhang dapit nga rakrakan, ug diha sa Deuteronomio 31:8 atong makita nga ang Ginoong Jesu-Kristo Mismo maoy nanguna sa usa ka operasyon.

“Ug ang GINOO mao ang usa nga nagauna kaninyo; Siya magauban kaninyo. Siya dili mokawang kaninyo o mobiya kaninyo. Ayaw kahadlok, o madismaya.” (Deuteronomio 31:8)

KADAUGAN LABAW SA KAHADLOK

“Ayaw kahadlok, kay Ako uban kaninyo;
Ayaw pagsud-ong sa mabalakon diha kaninyo, kay Ako ang inyong Dios.
Ako molig-on kaninyo, sa wayduhaduha Ako motabang kaninyo,
Sa wayduhaduha Ako mopaluyo kaninyo pinaagi sa Akong matarong nga toong kamut.”
(Isaiah 41:10)

Alang ni bisan-kinsa nga mag-apil sa usa ka gubat o sa usa ka presyur nga sitwasyon, kini tukma sa pagtan-aw-pagbalik sa pipila ka prinsipyo diha sa doktrina sa kahadlok.

1. Kahadlok maoy kabahin sa emosyonal nga dugtongdugtong sa mga sala.
2. Adunay labing-minos lima ka kategoriya sa emosyonal nga mga sala:
 - a. *Kahadlok*. Nagalakip og kabalaka, kahingawa, kawalay-kontrol, ug ang pagkapapas sa doktrina pinaagi sa emosyonal nga reaksiyon—imong mga emosyon ug kasinatian mahimong labaw pa katinuud kay sa doktrina sulud sa imong kalag.
 - b. *Kasilag*. Nagalakip sa kasuko ug kapintas. Wala gayuy luna sa gubat alang sa kasilag; sa dihang ang usa ka higala mapukan atubangan nimo o ang usa-ka-tawo nga imong minahal sa masulub-ong nag-antos, ang kasilag maoy katapusang bu-

tang nga imong gikinahanglan. Kasilag ang makaingon kanimo nga mawad-an sa imong propesyonal nga abilidad sa gubat, ug ang kasuko nga nagaresulta maoy makaguba sa imong kalig-on. Ikaw tingali nakakita sa usa ka pelikula diin ang kauban sa usa ka sundalo napatay ug siya nagalabni sa iyang hinagiban ug nagadagan nga nagsinggit paingon sa kombate og nag-ingon, “Patyon ka nako” Kini ang gipasabut sa kasilag. Ang kasilag wala gayuy luna diha sa kasundalohan. Isip usa ka Kristohanong manggugubat, ikaw kinahanglan nga malinawon, makalma, ug propesyonal.

- c. *Kalooy-sa-kaugalingon.* Kon ikaw halayo kaayo sa gigikanan nga dapit sulud sa disinati nga palibot ug ikaw magsugod sa pagkalooy sa imong-kaugalingon, ikaw anaa sa pagkaarogante sa kaugalingon. Hi-

nonoa, ang imong sitwasyon nagatanyag sa kinadak-ang oportunidad alang sa paggamit sa napulo ka pangsulbad-sa-problema nga kahimanan. Ikaw nakaangkon sa rebound teknik; sa pagpuno sa Balaang Espiritu; sa pagtoo-pahulay nga pagbansaybansay; pagkasinati sa grasya; pagkasinati sa doktrina—usa ka takna sa paghinumdum sa doktrina ug paghunahuna mahitungud sa unsay imong nakat-onan; usa ka personal nga kasigurohan sa padulngan—nasayod nga ang Dios adunay usa ka perpektong plano alang sa imong kinabuhi; personal nga gugma alang sa Dios nga Amahan diin nagapadasig kanimo sa pagtuman sa Deuteronomio 31:6 ug 8; dipersonal nga gugma alang sa tanang katawhan—naghatag kanimo og kasibot-sa-propesyon sulud sa usa ka sundalohong sitwasyon

ug sa pag pabilin sa imong kadasig; + K, o nag-ambit sa kalipay sa Dios—kalinaw ug kahimuut taliwala sa peligrosong kahimtang; ug, labaw sa tanan, oku-pasyon uban sa persona ni Jesu-Kristo.

- d. *Reaksiyon.* Nagalakip og pagkamapait, kamapahimaslon, ug pagkadili-mapuypuy. Bisan-asa niini nga mga sala mopahimo lamang kani-mo nga masukwahi diha sa imong hustong paglihok sa usa ka sundalong sitwasyon.
- e. *Dinugtongdugtong nga pagkasad-an.* Nagalakip og pagkapakyas sa pagkasinati sa grasya ug pagkaignorante sa napulo ka pangsulbadsa-problema nga kahimanan. Kon ikaw nag-inusara, ikaw tingali mag-sugod sa paghunahuna mahitungud sa imong mga kapakyasan. Ikaw kinahanglan magrebound pinaagi sa pagsugid sa imong mga

sala sa pribado ngadto sa Dios nga Amahan ug padayon sa pag-abante! Ayaw gayud paglingi sa likud—kanunay paglantaw sa unahan.

Ang Dios adunay usa ka plano ug usa ka katuyoan alang sa imong kinabuhi. Tungud kay ang Dios perpekto, ang Iyang plano perpekto. Bisan kon ikaw diperpekto, Siya misangkap alang kanimo og usa ka perpektong plano. Tungud kay ang emosyonal nga mga sala usa ka pagsukwahi sa maong plano, ang Dios pinaagi sa Iyang ditupngan nga grasya misangkap sa gahum ug sa kahimanan alang sa pagbuntog sa kahadlok, kabalaka, kahingawa, kasilag, kalooy-sa-kaugalingon, reaksiyon, pagkasad-an, pagkaarogante, pagkaignorante, ug sa tanan nga lain pang mga pagsukwahi sa Iyang plano. Kini nga mga pagsukwahi mapapas pinaagi sa espirituhanong mga katakus—ang pagpuno sa Balaang Espiritu, kahibalo sa doktrina sa Bibliya, ug ang

pagtuman sa waykaparehas nga espirituhanong kinabuhi.

Kay ang Dios wala mihatag kanato og usa ka espiritu sa kamapanukohon [kahadlok], kundili sa gahum ug [ligdong] gugma ug disiplina [maayong panghunahuna]. (2 Timoteo 1:7)

Wala gayuy kahadlok diha sa [ligdong] gugma; apan ang perpekto [ligdong] nga gugma nagahingilin sa kahadlok, tungud kay ang kahadlok nagalambigit og silot. (1 Juan 4:18a)

Tulo sa napulo ka pangsulbad-sa-problema nga kahimanan gikan sa plano sa Dios ang maykalabutan sa ligdong-nga-gugma—personal nga gugma alang sa Dios nga Amahan, dipersonal nga gugma alang sa tanang katawhan, ug okupasyon uban sa

persona ni Kristo. Diha sa gubat kon ikaw magpusil sa mga myembro sa tawhanong kaliwat, wala gayuy pagsukwahi diha sa di-personal nga gugma alang sa tanang katawhan. Sa dihang ikaw magpatay sa kaway, hinumdumi nga sila nakabaton sa tanang oportunidad sa paggamit sa ilang kabubut-on sa pagpili kang Kristo.

Tungud kay kana nga masayran mahitungud sa Dios maoy tataw ngadto kanila; kay ang Dios mi-himo niining tataw ngadto kanila. Kay sukad pa sa pagbuhat sa kalibutan ang Iyang dimakitang mga hiyas, Iyang waykatapusang gahum ug divine nga kinaiya, sa dayag makit-an, mailhan pinaagi sa unsay nalalang, mao nga sila wala gayuy ikapasumangil. (Mga Taga-Roma 1:19–20)

Walay usa ang nagabiya gikan niining kali-

butana nga wala gayuy oportunidad sa pagkaluwas. Busa, imong responsibilidad ang pagpatay sa kaaway. Ang uban anaa sa mga kamut sa Ginoo ug sa tanang panahon gayud.

Kahadlok ang makaingon sa kaugalingong-minugna nga silot:

1. Ang dugang pa nimong pagtahan sa kahadlok, mas modaghan ang mga butang nga imong kahadlokan.
2. Ang kalapad diin ikaw magtahan sa kahadlok, ikaw magpadako sa gahum sa kahadlok sulud sa imong kinabuhi.
3. Ang daghan pang mga butang nga maghuput sa gahum sa kahadlok diha sa imong kinabuhi, mas modako ang imong kapasidad alang sa kahadlok ug sa pagkapildiro. Isip usa ka pildiro diha sa Kristohanong kinabuhi ikaw walay ligdong-nga-gugma, walay kapasidad alang sa kinabuhi ug kalipay (ilabina taliwala sa kamingaw sa pang-

gubatan), walay kadasig sa pagbuhat og maayo sa gubat, ug walay personal nga kasigurohan sa padulngan.

4. Ang masdako nimong kapasidad alang sa kahadlok, ikaw dugang pang magpadako sa gahum sa kahadlok diha sa imong kinabuhi.
5. Ang masdako nga gahum sa kahadlok diha sa imong kinabuhi, mas modako ang imong kahigayonan sa pagkapakyas diha sa kinabuhi. Kon kahadlok ang imong makinabuhi, ikaw mapakyas diha sa mismong katuyoan diin ikaw nabansay sa paagi-militar, sa mismong katuyoan diin ikaw nakat-on sa doktrina sa Bibliya, ug sa mismong katuyoan diin ikaw nakig-away alang sa kagawasan ug sa kasigurohan sa mga minahal sa panimalay ug sa sinaligang nasod USA.

Ang kahadlok ug kaisog, busa, sukwahi sa hingpit. Kaisog mao ang abilidad sa pag-

hunahuna, sa pagkonsentrar ubus sa kalisud, ug sa pagbuhat sa imong katungdanan nga maayo taliwala sa gubat. Ang kahadlok walay abilidad sa paghunahuna o pagpangatarungan, ug busa walay pagtoo-pahulay nga lihok, walay aplikasyon sa doktrina sa Bibliya, walay sentido komon, walay mga sulbad sa mga problema sa kinabuhi. Ang kahadlok walay abilidad sa paggamit sa sundalohong doktrina ug pagkabansay diha sa panggubatan. Sa pagkatinuud, ang kahadlok nagapugong sa imong panglihok sa panggubatan ug kahibalo sa pagpakig-away. Busa ang imong kinamaayohan nga hinagiban mao ang pagtoo-pahulay nga pagbansaybansay.

Sa dihang ako mahadlok,
Ako mobutang sa akong pagsalig
diha Kanimo. (Salmo 56:3)

PANALIPOD GIKAN SA KAAWAY

Pagpakabana alang sa imong kasigurohan taliwala sa gubat dili usa ka isyu alang sa magtotoo diha ni Ginoong Jesu-Kristo. Ang imong kasigurohan wala sa imong mga kamut ug anaa sa mga kamut sa Ginoo. Ang panalipod gikan sa kaaway maoy maloloyong proteksiyon sa Dios alang kanimo. Ang imong pakabana mao ang paghimaya sa Dios pinaagi sa pagtuman sa waykaparehas nga espirituhanong kinabuhi, usa ka kinabuhi nga nagalakip og kaisog, dungog, ug integridad sa sulud ug sa gawas sa mga panggubatan niining kinabuhia.

“Gikan sa unum nga kasamok [mga kalit-nga-kalisdanan] Siya mopalingkawas kanimo, Bisan pa sa pito [dakong kalisdanan sa kinabuhi] ang kadaotan dili mohilabot kanimo.” (Job 5:19)

Kini nga yugto dili lamang alang sa mga magtotoo kinsa anaa sa peligrosong kahimtang, kundili alang kanatong tanan sa katibuk-an sa atong kinabuhi. Sa dikalika-yan, kita mag-atubang gayud sa usa ka bahin sa pito ka dakong kalisdanan sa kinabuhi. Upat lamang kanila ang gihisgotan diha sa sunud nga duha ka bersikulo. Ang tulo ka wahinganling mga kalisud managlahi diha sa kinabuhi sa matag magtotoo, apan mao ang pag-antos alang sa kinadak-ang panalangin sa kinabuhi.

“Diha sa dakong-kanihit [ekonomikanhong kalit-nga-kalisdanan] Siya motubus [mopatunhay] kanimo gikan sa kamatayon,

Ug diha sa gubat [pagpakigbisog sa kalisud sa gerra] gikan sa gahum [pagpika] sa espada.

Ikaw pagatagoan gikan sa pagkastigo sa dila [katilingbanong

kalit-nga-kalisdanan],
Dili gayud ikaw mahadlok sa ka-
pintas [mapintas nga kama-
tayon] kon kini nagatungha.”
(Job 5:20–21)

Dakong-kanihit nagapasabut sa ekonomikanhong depresyon, pagkunhod, o kalit-nga-kalisdanan sa imong kinabuhi. Timan-i nga walay sapayan unsa kadako ang ekonomikanhong kalit-nga-kalisdanan, ang Dios adunay usa ka plano ug nakasaad nga ikaw mapatunhay. Sa ingon-usab, diha sa pagpakigbisog sa kalisud, ang Dios mopatunhay kanimo gikan “sa pagpika sa espada.” Ang katilingbanong kalit-nga-kalisdanan nakaabut sa iyang labing-taas kon ikaw maoy biktima sa pagpakaulaw, paglibak, pagdaot-sa-dungog, paghukum—usa ka matang sa pagpakaulaw sa tawo. Hinoon, ang kamatayon mismo, bisan kon sa kombate o sa usa ka aksidente o sa higdaanan, mao ang panapos nga dakong

kalisud sa kinabuhi. Ikaw wala gayuy angay kahadlokan gikan sa bisan-unsang kalit-nga-kalisdanan; ang imong kinabuhi anaa sa mga kamut sa Dios.

“Ikaw mokatawa diha sa kapintas ug dakong-kanihit, Walay-usa nga imong kahadlokan sa mangtas nga mga mananap [mapintas nga kamatayon].” (Job 5:22)

Niadtong panahon sa pagsulat, ang mangtas nga mga hayup sa kalibutan maoy usa sa daghang instrumento sa mapintas nga kamatayon. Pinasubay sa katangdian, ang kombate diha sa panggubatan sa wayduhaduha madelegar ngadto sa konsepto sa mapintas nga kamatayon. Pagkatawa diha sa kamatayon ug ekonomikanhong kalit-nga-kalisdanan wala nagakahulugan og histerya. Pagkatawa nagakahulugan og pagbaton sa usa ka pagtamud sa buut

ug sa usa ka makalmang panghunahuna pinaagi sa paggamit sa pagtoo-pahulay nga pagbansaybansay ug sa uban pang pangsulbad-sa-problema nga kahimanan samtang nag-atubang sa mga katalagman sa kinabuhi. Ikaw dili gayud angay mahadlok sa mapintas nga kamatayon.

“Kay ikaw makig-abin [adunay usa ka kasabutan] diha sa mga bato sa umahan;

Ug ang mga mangtas-nga-ma-nanap sa umahan [mapintas nga kamatayon] magmalina-won uban kanimo.” (Job 5:23)

“Mga bato” maoy usa ka reperensiya ngadto sa mga bala alang sa karaang mga hinagiban, diin milakip og mga tirador. Karong-panahona, kini magpasabut sa nag-lupad nga mga bala ug nagbuto nga mga bomba. Apan ikaw “adunay usa ka kasabutan” diha sa mga bala nga manglu-

pad. Walay mahulgaong matang sa kapintas nga makapukan sa magtotoo hangtod nagatugot ang Dios. Ang kamatayon maoy desisyon sa Dios. Ikaw dili matangtang gikan niining kalibutana hangtod ang Dios nagahukum sa pagpapauli kanimo.

Sumala sa akong tininuud nga pagdahum ug paglaum, nga ako dili gayud mabutang sa kaulawan sa bisan-unsang-paagi, apan *tungud* sa tanang kasibot, si Kristo bisan pa niining-higayona, ingon sa kanunay, mahimaya sulud sa akong lawas, bisan kon sa kinabuhi o sa kamatayon. Kay alang kanako, sa pagpakabuhi maoy Kristo, ug sa pagkamatay maoy ganansiya [kaayohan]. (Mga Taga-Filipos 1:20–21)

Sa higayon nga ikaw personal nga motoo diha ni Jesu-Kristo, nianang taknaa

ikaw magdawat sa kwarantana ka absoluto gikan sa Dios, ikaw makaaninaw sa imong Kristohanong kinabuhi gikan sa duha ka panglantaw: ang pagpakabuhi nga bahin ug ang pagkamatay nga bahin. Diha sa Mga Taga-Filipos 1:21 kita nakaangkon sa duha: “Kay alang kanako, sa pagpakabuhi maoy Kristo, ug sa pagkamatay maoy kaayohan.” Ang pagpakabuhi nga bahin sa pagkatinuud nagasugod sa unang adlaw sa kaluwasan pinaagi sa pagtoo lamang diha ni Kristo lamang ug nagapadayon hangtod sa punto sa pagkamatay. Sa pagpakabuhi, ikaw adunay hingpit nga paggamit sa imong kabubut-on sa paggamit sa mga kapilian alang sa espirituhanong kinabuhi nga mapuslan pinaagi sa grasya sa Dios.

Sa katibuk-an sa dagan sa tawhanong kasaysayan ang kinalabwang-kamandoan sa Dios ug ang gawasnong pagbuut sa tawo dungang-anaa. Ang kinalabwang-kamandoan sa Dios nagasangkap sa tanang gikinahanglan alang sa pagtuman

sa Iyang plano, Iyang pagbuut, ug Iyang katuyoan. Ang Dios nagasangkap alang sa matag usa kanato isip mga magtotoo sa katumbas nga pribilihiyo ug sa katumbas nga oportunidad sa pagtuman sa Iyang plano ug katuyoan alang sa atong mga kinabuhi.

Adunay wayhunong nga panagbangi tali sa positibo ug negatibo nga kabubut-on sa matag magtotoo. Ang positibo nga kabubut-on nagaresulta diha sa kaugmaran sa es-pirituhanong mga katakus: ang pagpuno sa Espiritu, kahibalo sa doktrina sa Bibliya, ug ang pagpatuman sa waykaparehas nga espirituhanong kinabuhi, matag-usa niining tulo maoy gikinahanglan aron mahimong mananaog diha sa Kristohanong kinabuhi. Ang positibo nga magtotoo adunay labing-daghang doktrina sa Bibliya nga nagliyok sa iyang kalag. Siya nagahimo sa doktrina sa Bibliya nga iyang numero unong prayoridad sa kinabuhi. “Kay alang kanako, sa pagpakabuhi maoy Kristo” mao ang iyang ki-

nadak-an nga pangsulbad-sa-problema nga himan—okupasyon uban ni Kristo.

Ang negatibong kabubut-on alang sa doktrina sa Bibliya nagaresulta diha sa nagkalainlaing mga kategoriya sa karnalidad nga naglakip og pagkontrolar sa kinaiyang makasasala sa kinabuhi, kalibutanong kalambigitan sulud sa kalibutan sa yawa, ug ang produksiyon sa patay nga binuhatan ug kadaotan. Kining tanan magrepresentar og pagkapakyas sa pagtuman sa plano sa Dios sulud sa Kapanahonan sa Simbahan.

“Sa pagkamatay maoy kaayohan” nagapasabut sa pagkamatay nga bahin. Alang sa magtotoo diha ni Ginoong Jesu-Kristo, ang katapusang kadaugan diha sa kinabuhi mao ang pagkamatay ug kamatayon. Gawas sa Pagsakgaw nga henerasyon (1 Mga Taga-Tesalonica 4:16), ang tanan nga mga magtotoo sa Kapanahonan sa Simbahan mosinati og lawasnong kamatayon. Sa pagsabut og unsang-paagiha ang pagkamatay maoy kaayohan, kita mag-

hinumdum gayud: Kamatayon maoy kada-
ugan sa Dios.

KADAUGAN LABAW SA KAMATAYON

“O KAMATAYON, ASA MAN ANG
IMONGKADAUGAN? OKAMATAYON,
ASA MAN ANG IMONG KALALA?”...
apan salamat sa Dios, kinsa na-
gahatag kanato sa kadaugan
pinaagi sa atong Ginoong Jesu-
Kristo. (1 Mga Taga-Corinto
15:55, 57)

Diha sa pagpakabuhi nga bahin sa plano
sa Dios, ang empasis anaa sa kabubut-on
sa magtotoo, iyang pagtubag sa doktrina
sa Bibliya, ug iyang kinabuhi ilalum sa pa-
lisiya sa grasya sa Dios. Apan, diha sa
pagkamatay nga bahin, ang empasis anaa
sa kinalabwang-kamandoan sa Dios ug sa

Iyang palisiya sa grasya. Ang pagkamatay nga bahin nagapahimug-at nga ang magtotoo wala gayuy kontrol mahitungud sa oras sa iyang kamatayon, sa paagi sa iyang kamatayon, o sa dapit sa iyang kamatayon. Busa, ang mga magtotoo dili gayud angay nga mabalaka diha sa kamatayon. Ang kamatayon maoy desisyon sa Dios, dili atoa. Ang lawasnong kamatayon sa matag magtotoo mao ang bugtong desisyon sa kinalabwang-kamandoan sa Dios pinasikad sa Iyang perpektong kaalam, Iyang perpektong integridad, ug Iyang perpektong gugma. Tungud kay ang Dios balaan—Iyang integridad gilangkuban sa Iyang pagkamatarong ug hustisya—Siya sa hingpit makiangayon labot sa oras, paagi, ug dapit sa kamatayon sa magtotoo.

Nan sa unsang-paagiha ang pag-atubang sa gubat? Tungud kay ang imong kamatayon mao ang labawng-kamandoan nga desisyon sa Dios, ang imong kamatayon maoy kadaugan sa Dios. Ang

Dios nagahatag kanimo sa kadaugan diha sa kamatayon pinaagi sa pagpili kanus-a ang imong pagbiya gikan niining kalibutana, waysapayan kon ikaw karnal o espirituhanon, sulud sa Kristohanong pagkautut o Kristohanong pagkahamtong. Ang imong kamatayon maoy kadaugan sa Dios bisan kon ikaw mamatay sa halayo nga panggubatan o sa imong kama sa panimalay.

Ngano man ang kamatayon ug pagkamatay kadaugan sa Dios?

Hamili sa panan-aw sa GINOO
Ang kamatayon sa Iyang balaan
nga katawhan. (Salmo 116:15)

Ilabina sa atong kalakin-an ug kababayenan taliwala sa peligrosong kahimtang nga nakadawat niini nga mensahe, bisan kon ikaw usa ka mananaog o usa ka pakyas diha sa Kristohanong paagi sa kinabuhi, ang imong kamatayon importante sa Dios.

Ang Iyang pagtakda perpekto.

Ug siya miingon,
“Waysaput ako migula gikan sa
sabakan sa akong inahan,
Ug waysaput ako mobalik didto.
Ang GINOO mihatag ug ang GI-
NOO mikuha.
Dalayegon ang ngalan sa GINOO.”
(Job 1:21)

Pinaagi sa kamatayon kita mibiya gikan sa lawas ug anaa sa atubangan diha sa Ginoo (2 Mga Taga-Corinto 5:8). Kita nahimutang sa dapit sa hingpit nga kalipay.

“Ug Siya mopahid sa matag luha sa ilang mga mata; ug wala na gayuy *bisan-unsang* kamatayon; wala na gayuy *bisan-unsang* pagbangutan, o paghilak, o kasakit; ang nauna [karaan] nga mga butang natapos na.” (Pinadayag 21:4)

Kay kitang tanan—niadtong kinsa sa personal mitoo diha ni Jesu-Kristo—nasayod “nga ang Dios nagahimo sa tanang butang sa pagtambayayong alang sa kalamboan niadtong kinsa maghigugma sa Dios, alang niadtong kinsa gitawag pinasikad sa *Iyang* katuyoan” (Mga Taga-Roma 8:28). Bisanhain sa pagkinabuhi o pagkamatay, ang atong mga kinabuhi anaa sa mga kamut sa Dios.

ILALUM SA KABITONAN

Karong bag-o, usa ka sulat nga nahasulat panahon sa Kalibutanong Gubat II miabut sa akong lamesa. Kini usa ka sulat nga nagapadayag sa hingpit sa larawan sa usa ka Kristohanong manggugubat.

Niadtong Nobyembre 22, ilalum sa kabitoonan sa kalangitan sa laing-dapit duul sa Habagatang Pasipiko, si Philip

Welsher, 22, sa United States Marines, namatay. Ang Inahan ug Amahan ug ang iyang minahal nga nasod hilabihan kalayo; kalisang, kapintas ug kagun-uban anaa sa tibuuk palibot. Apan si Phil “naghangad,” sa halayo likud sa kabitoonan, ngadto sa panagway sa iyang Manluluwas.

Ang katapusang mensahe ni Phil ngadto sa iyang Inahan ug Amahan nahasulat kapin pa sa usa ka tuig sa wala pa ang iyang kamatayon. Nakitan kini sa iyang mga amigo lakip sa iyang pipila ka kabtangan ug mipadala niini sa iyang-panimalay sa waylangan, sumala sa hangyo nga nakaplagan diha sa sobre. Siya misulat:

Minahal kong mga Ginikanan,

Ako nagsulat niining sulata uban sa paglaum nga human sa akong

kamatayon kini mapadala diha kaninyo. Ang akong katuyoan sa pagsulat niini adunay duha-ka-sangkap. Una, aron kamo maka-siguro nga, samtang kita nahimulag sa pagkakaran, kita nasayod nga kita sa dili madugay mahiusa uban ni Kristo taliwala sa presensiya sa Dios. Samtang ako nagsulat niini ako anaa sa dika-ayo gayud peligro, apan kinsa ang makatag-an og unsa ang mosangpot sa sunud-adlaw? Kita magsalig lamang sa Dios sa paghatag kanato sa kadaugan labot sa temporal nga mga butang ug labot sa espirituhanong mga butang.

Pananglit ako mamatay, ako buut nga magbilin ko og usa ka testimonya alang sa nagluwas nga grasya sa atong Ginoong

Jesu-Kristo, aron nga ang Dios mahimaya pinaagi sa akong kamatayon kay Siya labaw pa sa akong kinabuhi. Karon, nasa-yod nga ako sa dili madugay pagatawgon alang sa paghatag og kuwentada sa akong-kaugalingon, ako makaingon nga ako nagsalig lamang diha ni Jesu-Kristo, kinsa namatay isip usa ka sakripisyo alang sa akong mga sala aron nga ako makabaton og waykatapusang kinabuhi. Siya mibayad sa bili pinaagi sa Iyang kaugalingon nga hamiling dugo, ug tungud sa simpleng pagtoo diha Kaniya ako nalimpiyo gikan sa tanang dipagkamatarong.

Ako karon anaa ni Jesus, ug tanan maayo mahitungud sa akong kalag. Si Jesus miingon, “Ako ang pagkabanhaw, ug ang kina-

buhi: siya nga nagatoo kanako, bisan pa og siya namatay, hino-noa siya mabuhi: Ug si bisan-kinsa ang nagabaton-og-kinabuhi ug nagatoo kanako dili gayud mamatay” (Juan 11:25–26).

Ang akong ikaduha nga katuyoan sa pagsulat niining sulata, Pa, nga ikaw maghimo unta sa paagi sa kaluwasan nga tataw alang sa usa ka higala kang kinsa ako misulat sa susama nga sulat. Ihatag ang mensahe ingon nga gikan kanako nga si “Kristo namatay alang sa atong mga sala matod pa sa mga kasulatan . . . siya gilubong, ug . . . nabanhaw sa ikatulo ka adlaw sumala sa mga kasulatan” (1 Mga Taga-Corinto 15:3–4). Isulti, usab, nga uban Kaniya kitang tanan magkita pagbalik.

Hunonga imong paghilak, Ma; ang anak-lalaki gitawag nga Paulion, diin siya nagahulat aron makig-uban sa minahal-kaayong mga ginikanan ang usa ka batang-lalaki nakabaton. Tingali ang kahupayan makaplagaan sa pagkasayod nga sa dihang kita magkauban pag-usab, kini mahitabo maingon sa Iyang gisaad: “Ang Dios mopahid sa tanang mga luha gikan sa ilang mga mata; ug wala na gayuy kamatayon pa, walay kasubo, ni paghilak, wala na gayuy bisan-unsang kasakit pa: kay ang kanhi nga mga butang natapos na” (Pinadayag 21:4).

Ang akong kinabuhi ug ang mga kinabuhi sa akong mga kauban wala gikatugyan nga kawang. Kami makig-away ug manga-

matay alang sa pag-amping nianang hinatag-sa-Dios nga mga kagawasan tungud niini kita napanalanginan. Niining-tungura, sa dili gayud madugay, ako mag-ingon, babay, ug ang Dios mag-uban kaninyo hangtod nga kita magkita pagbalik.

Inyong mahigugmaon nga anak,
PHIL

ALIMYON SA PANUMDUMAN

Ang 1 Mga Taga-Tesalonica 4:13 usa ka maanindot nga yugto diin nagapahinum-dum kanato nga kitang tanan mawad-an gayud sa mga minahal. Kon ang atong mga minahal mobiya gikan niining kinabuhia aron makig-uban sa Ginoo, kita makabaton og dakong kasubo alang kanila, apan kini dili usa ka kasubo nga kulang sa paglaum

o kompiyansa.

Apan kami dili buut nga kamo dimahibalo, kaigsoonan, bahin ni-adtong kinsa nakatulog, aron nga kamo dili magbangutan, sama sa uban kinsa walay paglaum. (1 Mga Taga-Tesalonica 4:13)

Sa unsang-paagiha kita magdumala sa atong kasub-anan mamahimong importante kaayo. Sulud niining yugtoa, ang “nakatulog” maoy kaamgid sa Kristohanong kamatayon. Tungud kay ang atong kasub-anan giubanan sa kompiyansa nga kita mohimamat sa atong mga minahal didto sa langit, kita adunay paglaum. Kay ang atong Ginoo Mismo misulti didto sa lubnganan,

“Ako ang pagkabanhaw ug ang kinabuhi; siya nga nagatoo Kanako mabuhi bisan pa og siya mamatay.” (Juan 11:25b)

Sulud sa akong kalag, ako magpas-an og usa ka dakong kasubo alang sa mga minahal kinsa nangamatay—pamilya, kaeskwela, pipila ka kauban, hamiling katawhan, kahigalaan sa kolehiyo ug sa kasundalohan. Ako misugilon na kaninyo bahin sa akong mga higala didto sa Ploesti Raid, usa kanila nakadawat og Medalya sa Pasidungog. Ako misugilon na kaninyo bahin ni Freddy McIntosh, kinsa nagplano sa pagsulud sa ministryo sa higayon nga siya makabalik gikan sa gubat apan nahagsa sa iyang ika-25 nga misyon ngadto sa Berlin.

Panahon sa akong pagbangutan kanila, ako wala moundang sa pagpakabuhi o mahimong abnormal tungud sa akong kasub-anan. Ako wala magtugot sa akong kasub-anan ug pagbangutan nga mahimong pagkamapait, kamapahimaslon, pagdumut, pagkadili-mapuypuy, o kalooy-sa-kaugalingon. Akong responsibilidad mao ang pagtoon ug pagtudlo kaninyo sa Pulong sa Dios. Ako wala maglingkod ug maggugol

tanang adlaw sa pagbakho, paghilak, ug pagdanguynguy tungud kay ako nakabaton sulud sa akong kasingkasing sa usa ka halawum nga kasub-anan. Ang akong kasub-anan ug kaguul napuypuy pinaagi sa hingpit nga kompiyansa sa ilang kalipay didto sa langit ug diin ako makig-uban kanila didto sa umaabot nga panahon.

“Ug ikaw mahibalo nga ang imong tolda malig-on,
Kay ikaw moduaw sa imong pinuy-anan [panimalay didto sa langit] ug walay kahadlok sa kadaot.” (Job 5:24)

“Tolda” nagapasabut sa lawas, ang panimalay sa kalag ug espiritu. Ang atong “tolda malig-on” hangtod ang Dios nagahukum sa pagpapauli kanato. Sa higayon nga kita matangtang, kita moabut didto sa langit, usa ka dapit sa dakong kalipay, sa paghulat sa pagkabanhaw.

“Ikaw mahibalo usab nga ang imong mga manununod magkadaghan,
Ug ang imong kaliwat maingon sa sagbot sa kalibutan.” (Job 5:25)

Sa sinugdanan, kini daw og nagkahulugan nga ikaw adunay singkwenta ka mga anak ug nga silang tanan mosanay, apan kana dili mao og unsa ang kahulugan niini. Sa pagkatinuud, ang Job 5:25 nagsulti kanato sa pagpadayon gayud sa pagpakabuhi. Bisan pa og kita mag-ila ug magbangutan sa atong mga minahal, kita magpadayon gayud sa pagpakabuhi hangtod ang Ginoo nagapapauli kanato. Ang kamatayon sa usa ka minahal o sa usa ka bililhong higala dili makapahunong sa kasaysayan.

Ang pagbangutan tungud sa kamatayon sa mga minahal maoy normal. Kon ikaw adunay bisan-unsang pagkasensitibo, ikaw

mobangutan ug mingawon sa imong minahal. Apan kini dili pag-ila alang sa mga patay diha ni Kristo sa pagpalungtod sa imong kasub-anan ug kaguul hangtod sa punto sa pagkawalay-paglaum. Ni kini maoy pag-ila alang sa mga patay nga mahimong masakiton-og-pagbati, o masilagon, o mapait, o maligutgoton tungud kay ang matag-usa wala mag-ambit sa imong kasub-anan. Ang imong kasub-anan personal ug adunay daghang kaayohan. Kini nagahatag og usa ka kamabination, usa ka pagkamaunongon, alang niadtong kinsa nawad-an sa ilang mga minahal pinaagi sa kamatayon. Ang imong kaguul nagapahinumdom kanimo sa grasya sa Dios—lyang perpekto nga kaalam ug gugma.

Ang kahigalaan sa kanunay mopakitag simpatiya ug pagkamaunongon didto sa lubnganan, apan human sa paglabay sa panahon kini sama nga walay usa ang nagatagad o nagahinumdom sa imong kasub-anan. Ikaw malagmit makapangutana, ma-

kiangayon ba kini? Ang tubag oo. Ang imong kasub-anan ug kaguul usa ka pribadong butang tali kanimo ug sa Ginoo. Ang imong kahupayan kinahanglan maggikan sa Ginoo—gikan sa Pulong sa Dios—dili gikan sa pagsimpatiya sa uban. Ang imong kahupayan gikan sa doktrina sa Bibliya mao ang pagkahibalo nga pinaagi sa kamatayon ang imong mga minahal nakasulud ngadto sa kinadak-an sa mga panalangin.

Ikaw responsable sa pagpasidungog sa Dios sa panahon nga Siya nakaamuma alang niadtong kinsa imong gimahal diha sa pagkamatay ug diha sa kamatayon. Uban sa imong kaguul ikaw magdala sa alimyon sa panumduman. Ug bisan pa ang imong kasub-anan nagapadayon, ikaw magpalingkawas gayud sa imong kahigalaan sa pagpadayon sa pagpakabuhi. Ang Ecclesiastes nagasulti kanato,

Usa ka panahon sa pagbakho, ug
usa ka panahon sa pagkatawa;

Usa ka panahon sa pagbangutan,
ug usa ka panahon sa pagsa-
yaw. (Ecclesiastes 3:4)

Bisan pa kon ang imong kasingkasing naguul ug ikaw nahimutang mismo palibot sa katawhan kinsa nagkatawa ug nagmalipayon sa makadiyut, ayaw kasilag o kalagot kanila. Ayaw ipahamtang ang imong grabeng kabug-at nga kaguul ug kasubanan ngadto kanila. Ang doktrina sa Bibliya nagahatag kanimo og gahum sa pagpas-an sa imong kasub-anan ug sa pagmaya nga ang mibiya nga mga minahal “nawala gikan sa lawas ug anaa atubangan uban sa Ginoo sulud sa usa ka dapit nga wala nay kaguul, wala nay mga luha, wala nay kasakit . . . walay nay kamatayon . . . ang karaang mga butang tanan natapos na.”

Sa katapusan, kita magsangpot niini nga konklusyon,

“Ikaw moabut ngadto sa lubnga-

nan uban sa hingpit nga kalagsik [pangidaron],
Sama sa tinapok nga lugas [binangan nga mais] sa iyang hustong-panahon.” (Job 5:25)

Ang matag magtotoo nagasangpot sa iyang lubnganan sa hingpit nga pangidaron, sama sa binangan nga mais sa iyang hustong-panahon. Ang mga binangan, o mga pakpak, maghulagway sa lawas sa magtotoo samtang ang mais tumbas ngadto sa kalag ug espiritu sa magtotoo. Ang pagpakpak sa mais kaamgid ngadto sa pagbiyagikan sa dunot nga lawas pinaagi sa pisiko nga kamatayon ug pagpanaw paingon sa langit. Adunay usa ka tukma ug usa ka ditukma nga panahon sa pag-ani og mais; ang eksperto lamang ang makatino sa tukmang panahon. Ang Dios perpekto ug ang Iyang pagtakda perpekto. Ang hingpit nga pangidaron gideterminar dili pinaagi og unsay imong panuigon, kundili pinaagi sa

kinalabwang-kamandoan sa Dios. Pinaagi sa Iyang perpekto nga gugma ug kaalam ang Dios nagatangtang sa mais gikan sa mga pakpak.

Kon kita mawad-an sa bisan-kinsa sa atong mga minahal sulud niining panahona nga away, kita wala gayuy katungud sa pagsukna sa desisyon sa Dios. Atong hinumduman gayud ang Dios makiangayon. Siya nagahigugma kanato. Siya matarong ug makiangayon sa tanan Niyang mga desisyon. Bisin sa kabatan-on o sa katigulangon, ang kamatayon maoy kada-ugan sa Dios.

Sa panahon nga kita makabaton sa posibleng kinadak-an nga kasub-anan, kita dili gayud makatugot niini nga kasub-anan sa pagsanta sa atong pagtuman sa Kristohanong paagi sa kinabuhi. Kita kinahanglan magpadayon sa pagpasulud og doktrina sa adlaw-adlaw nga kahimtang. Ang okupasyon uban ni Kristo nagakinahanglan nga kita magpadayon diha sa pagpakabuhi

ug padayon diha sa pagkat-on og doktrina sa Bibliya aron nga kita masayod “sa pagkinabuhi maoy Kristo, ug sa pagkamatay maoy ganansiya.”

PAG-AMPO ALANG NIADTONG KINSA NANGALAGAD

Sa milabay nga pipila ka bulan ako nangutana sa akong-kaugalingon, “Unsay mahimo nato alang sa atong kasundalohan?” Una sa tanan, kita kinahanglan maghimo sa doktrina sa Bibliya nga numero unong prayoridad sa atong mga kinabuhi dinhi sa nasod—kana ang atong kinadak-an nga tabang. Kita kinahanglan magkat-on ug magpatuman sa waykaparehas nga espirituhanong kinabuhi ug mahimong usa ka parte sa mahinungdanong-kahimtang sa hamtong nga mga magtotoo, kadtong dimakita nga mga bayani kinsa maghimaya sa Dios nga nagresulta diha sa kalingkawasan

sa sinaligang nasod USA. Pinaagi sa pray-basi sa atong harianong pagkapari, kita maghimo gayud sa pagpangaliya alang sa atong presidente, sa iyang mga tigtambag, ug sa kasundalohan sa usa ka makanunayon ug adlaw-adlaw nga kahimtang sa paggamit sa gahum sa mapatigbabawong pagampo.

Among maloloy-on nga Langit-nong Amahan, kami mag-ampo alang sa kalakin-an ug kababayen-an kinsa anaa sa aktibong pangatungdanan niining higayona. Daghan kanila karon anaa sa usa ka dapit sa hilabihan kapeligro. Kami magyukbo nga isip mga magtotoo sila adunay usa ka testimonya. Sila nakabaton sa labing maanindot nga oportunidad sa pagkat-on sa doktrina sa Bibliya ug niining-tungura andam alang sa unsay mahitabo

diha sa ilang mga kinabuhi. Kami dili lamang mag-ampo alang kanila, apan kami nasayod nga daghan pa gikan sa Berachah batalyon ang pagatawgon ngadto sa armadong-kusog. Kami mag-ampo alang kanilang tanan. Kami usab mag-ampo nga kami mahimong matinumanon sa among katungdanan dinhi sa nasod diha sa pagsabut sa doktrina aron nga kami makasangkap og usa ka mahinungdanong-kahimtang diin sa dikalikayan moresulta diha sa kadaugan. Kami mapasalamaton Langitnong Amahan nga kami magpuyo sulud sa panahon sa mga paghagit—dili lamang sa terorismo ug sundalonhong mga krisis, kundili sa daghang nagkalinlain nga matang sa mga kalislanan, tanan tungud kay ang sinaligang nasod USA ubus sa

pag-asdang diha sa daghan ka-ayong paagi. Kami mag-ampo nga sa katibuk-an sa tanang ka-libog ug tanang kalisdanan kami mopahimaya Kanimo, aron nga diha sa Imong perpekto nga pag-buut ug diha sa Imong perpekto nga plano ug paagi, sa higayon ang matag usa kanamo papaulion, kami mahimong makadungog nianang maanindot nga pulongan:

“Maayong pagkabuhat, tinuud ug matinumanon nga sulugoon; ikaw matinumanon diha sa diyutay nga butang, Ako magtugyan kanimo [maghimo kanimo nga magmamando] sa daghang butang.” (Mateo 25:23)

Kami maghangyo niining mga

*butanga pinaagi sa ngalan sa
among Ginoo ug Manluluwas,
Jesu-Kristo. Amen.*

Kini usa ka hinashasan nga transkripto gikan sa mga pagtoon sa Bibliya nga gitudlo 24 ug 26 Agosto 1990 ni R. B. Thieme, Jr., isip pastor sa Berachah Church, Houston, Texas, ug gimantala pinaagi sa R. B. Thieme, Jr., Bible Ministries, P.O. Box 460829, Houston, Texas 77056. Pagtuki sa detalye sa bibliyanhong mga doktrina bahin niini nga transkripto maangkon gikan sa R. B. Thieme, Jr., Bible Ministries, Houston, Texas.

DOKTRINAL NGA MGA PAGTOON SA BIBLIYA

Doktrina sa Bibliya, ang unud sa pagtulon-an nga gi-kuha gikan sa literal nga interpretasyon sa mga Kasulatan, mao ang sukdanan sa espirituhanong kamatuuran. Ang pagtoon sa Bibliya nagasangkap og espirituhanong pampabaskog alang sa Kristohanon (Mateo 4:4).

Ang kamahinungdanon sa doktrina sa Bibliya pagahatagan gayud og importansiya (Salmo 138:2). Ang Dios nagasugo sa Kristohanon aron sa pag-usab espirituhanon (Mga Taga-Roma 12:2). Kini nga kausaban nagakinahanglan og adlaw-adlaw nga pagbag-o sa hunahuna pinaagi sa pagkat-on ug paggamit sa Pulong sa Dios (2 Mga Taga-Corinto 4:16; Mga Taga-Efeso 4:23).

Sulud sa daghang katuigan ang doktrinal nga mga klase sa Bibliya nga gitudlo ni R.B. Thieme, Jr., nakasangkap sa espirituhanong pagkaon alang sa iyang kongregasyon. Ang mga publikasyon ug audio ug video nga mga pagrekord sa iyang mga pagtudlo maangkon nga walay bayad o obligasyon. Alang sa pag-order ug kasayuran, palihug sulat o tawag sa Ministries o bisitaha ang website. Usa ka katalogo (sa English) sa doktrinal nga mga pagtoon sa Bibliya ang ihatag pinaagi sa paghangyo.

R. B. THIEME, JR., BIBLE MINISTRIES

P.O. Box 460829
HOUSTON, TEXAS 77056-8829

[www rbthieme org](http://www.rbthieme.org)
713-621-3740

ANG TAGSULAT

Si ROBERT B. THIEME, JR. (1918–2009) nagapabiling usa ka makahuluganong tingog sa Kristiyanismo sa tibuuk kalibutan. Ang iyang makugihon, mapatin-awong pagtudlo pinasikad sa orihinal nga mga lengguwahe sa Kasulatan sumala sa makasaysayanong konteksto diin ang Bibliya nahasulat. Ang iyang modernong sistema sa bokabularyo, mga ilustrasyon, ug bibliyanhong mga kategoriya sa tin-aw nagpahayag sa dimasayup nga mga kamatuuran sa Pulong sa Dios. Si Thieme nakarekord og labaw pa sa napulog-usa kalibo ka oras sa mga sermon ug nakamantala og labaw pa sa usa ka gatos ka libro nga naglukup hapit sa Bibliya.

Si Thieme migraduwar didto sa University of Arizona (Phi Beta Kappa) ug Dallas Theological Seminary (summa cum laude). Ang iyang pagtungha sa seminaryo nahunong tungud sa pagpangalagad militar sa Kalibutanong Gubat II diin siya misaka sa ranggo nga tenyente koronel sa Kwerpo sa Kasundalohan sa Kahanginan sa Estados Unidos. Sunud sa pagkatapos sa iyang padayon nga pagtungha niadtong 1950, siya nahimong pastor-magtutudlo sa Simbahan sa Berachah sa Houston, Texas. Ang iyang malukpanong pagbansay diha sa Griyego, Hebreyo, teyolohiya, kasaysayan, ug textual criticism misangkap sa pundasyon alang sa iyang masuknaong propesyonal nga kinabuhi sa pagtoon ug pagtudlo sa Pulong sa Dios. Si Thieme miretiro isip pastor sa Simbahan sa Berachah human sa singkwentay-tres katuig sa matinud-anong pagpangalagad.